



МОНГОЛ УЛСЫН
ДОТООД ХЭРГИЙН ИХ СУРГУУЛИЙН
ЗАХИРЛЫН ТУШААЛ

2020 оны 04 сарын 01 өдөр

Дугаар 1/53

Улаанбаатар хот

2020-2021 оны хичээлийн жилийн
бакалаврын эчнээ хөтөлбөрийн элсэлтийн
журам батлах тухай

Дээд боловсролын тухай хуулийн 7 дугаар зүйлийн 7.3, 12 дугаар зүйлийн 12.1.6, Боловсрол, шинжлэх ухааны сайдын 2013 оны А/79, 2019 оны А/218 дугаар тушаал, Дотоод хэргийн их сургуулийн дүрмийн 7 дугаар зүйлийн 7.1.17, 7.2-т заасныг тус тус үндэслэн ТУШААХ нь:

1. Дотоод хэргийн их сургуулийн "2020-2021 оны хичээлийн жилийн бакалаврын эчнээ хөтөлбөрийн элсэлтийн шалгалтын журам"-ыг хавсралтаар баталсугай.

2. Монгол Улсын Засгийн газар, Улсын Онцгой комиссын шийдвэрт нийцүүлэн бакалаврын өдрийн хөтөлбөрийн элсэлтийн журамд нэмэлт, өөрчлөлт оруулах, шинэчлэх санал боловсруулан танилцуулж шийдвэрлүүлэхийг Сургалт эрхэлсэн дэд захирал бөгөөд Сургалтын бодлого, төлөвлөлтийн газрын дарга /цагдаагийн хурандаа Д.Эрдэнэбаатар/-д даалгасугай.

3. Дотоод хэргийн их сургуулийн захирлын 2020-2021 оны хичээлийн жилийн бакалаврын элсэлтийн 2020 оны А/39 дүгээр тушаалаар баталсан журмын 2.4, 2.5, 5.4, 13.2 дугаар зүйл, 9 дүгээр бүлгийг тус тус хүчингүй болгосугай.

4. Элсэлтийн журмыг нийтэд сурталчлах, мэдээлэх ажлыг зохион байгуулахыг Мэдээлэл-технологийн хөгжлийн газрын дарга /цагдаагийн хурандаа П.Оростогоо/, журмын хэрэгжилтийг хангаж ажиллахыг Сургалт эрхэлсэн дэд захирал бөгөөд Сургалтын бодлого, төлөвлөлтийн газрын дарга /цагдаагийн хурандаа Д.Эрдэнэбаатар/ нарт даалгасугай.

5. Тушаалын хэрэгжилтэд хяналт тавьж ажиллахыг Захиргааны удирдлагын газрын дарга /хурандаа Ш.Чулуунбат/-д үүрэг болгосугай.

ЗАХИРАЛ, ДОКТОР (Ph.D), ПРОФЕССОР,
ХОШУУЧ ГЕНЕРАЛ Ш.ЛХАЧИНЖАВ

ХУУЛБАР ҮНЭН
ЗАХИРГААНЫ УДИРДЛАГЫН ГАЗРЫН ДАРГА,
ХУРАНДАА Ш.ЧУЛУУНБАТ



D:\DXIC\tushaal\2020.docx

0000519

Дотоод хэргийн их сургуулийн
захирлын 2020 оны 04 дугаар сарын
01 өдрийн A/53 дугаар
тушаалын хавсралт

2020-2021 ОНЫ ХИЧЭЭЛИЙН ЖИЛИЙН БАКАЛАВРЫН ЭЧНЭЭ
ХӨТӨЛБӨРИЙН ЭЛСЭЛТИЙН ЖУРАМ БАТЛАХ ТУХАЙ

Нэг. Нийтлэг үндэслэл

1.1. Энэхүү журмаар Дотоод хэргийн их сургууль /цаашид "Их сургууль" гэх/-ийн 2020-2021 оны хичээлийн жилийн бакалаврын эчнээ хөтөлбөрийн элсэлтийн шалгалтыг зохион байгуулахтай холбогдох харилцааг зохицуулна.

1.2. Элсэлтийн шалгалтыг зохион байгуулахад Боловсролын тухай хууль, Дээд боловсролын тухай хууль, Боловсрол, шинжлэх ухааны сайдын 2013 оны А/79, 2019 оны А/218 дугаар тушаал болон энэ журмыг баримтална.

1.3. Их сургууль нь 2020-2021 оны хичээлийн жилд элсэлт авах бакалаврын эчнээ хөтөлбөр, шалгалтын чиглэл, босго оноо, элсүүлэх хяналтын тоог захиалагч агентлаг, байгууллагын саналыг харгалзан тогтооно.

1.4. Элсэлтийн шалгалтын үйл ажиллагааг Нийслэлийн Баянзүрх дүүргийн 8 дугаар хороо, Хилчний гудамж /бүсчлэлийн код 13260/-д байрлах Их сургуулийн байранд /цаашид Их сургуулийн байрлал гэх/ зохион байгуулна.

1.5. Элсэлтийн шалгалтад элсэгчийн төлөөлөл болон бусад эрх бүхий байгууллага, албан тушаалтан хууль тогтоомжийн хүрээнд хөндлөнгийн хяналт тавина.

1.6. Эчнээ хөтөлбөрт элсэх албан хаагч цахим бүртгэлд бүртгүүлэхгүй.

Хоёр. Элсэлтийн үе шат

2.1. Эчнээ сургалтад албан хаагчийг элсүүлэх ажлыг дараах үе шаттай зохион байгуулна:

№	Үе шат	Эхлэх, дуусах хугацаа	Байрлал	Нэмэлт тайлбар
1.	Захиалагчаас элсэгчийг суралцуулахыг дэмжсэн албан бичиг, нэрсийн жагсаалт, бакалаврын дипломын хуулбар, холбогдох бусад судалгаа, материалыг хүлээн авах, шалгах	2020.04.01-2020.04.10	Их сургуулийн байр	3 жилийн эчнээ сургалт, "Онцгой байдал-гамшигаас хамгаалах" бакалаврын хөтөлбөрийн 1.5 жилийн шаталсан сургалт
2.	Бакалаврын дипломын голч дүнгээр эрэмбэлж жагсаалт гаргах	2020.04.13 09.00'-12.00'	Их сургуулийн байр	
3.	Захиалагчаас элсэгчийн нэрсийг авах	2020.06.03-ны дотор	Их сургуулийн байр	5 жилийн эчнээ сургалт

Гурав. Элсэгчид тавих шаардлага

3.1. Элсэгч дараах нийтлэг шаардлагыг хангасан Монгол Улсын иргэн байна:

3.1.1. элсэлтийн ерөнхий шалгалтын оноо нь тогтоосон босго онооноос багагүй байх;

3.1.2. элсэлтийн ерөнхий шалгалтын батламж хүчинтэй байх (2018, 2019, 2020);

3.1.3. дээд боловсролтой элсэгчийн диплом хүчинтэй;

3.2. Энэ зүйлд заасан нийтлэг шаардлагыг хангаагүй алба хаагчийг элсүүлэн суралцуулахгүй.

Дөрөв. Элсэлтийн зохион байгуулалт

4.1. Захиалагч агентлаг, байгууллагын албан хаагч хүсэлтээ харьяалах байгууллагаараа уламжлуулан ирүүлнэ. Харьяалах байгууллагын хүний нөөц, сургалтын асуудал эрхэлсэн нэгжээс суралцуулах зөвшөөрөл өгөөгүй алба хаагчийг бүртгэхгүй.

4.2. Элсэлтийн ерөнхий шалгалтын босго оноог хангасан боловч чансааны оноо хүрээгүй албан хаагчийг элсэн орох элсэгчийн жагсаалтаас хасна.

4.3. Алба хаагчдад тэнцсэн болон тэнцээгүй тухай мэдээллийг захиалагч агентлаг, байгууллагад албан албан бичгээр мэдэгдэнэ.

4.4. Захиалагч агентлаг, байгууллага нь элсэн суралцах албан хаагчийн дараах бичиг баримтыг судалж, ДХИС-д заасан хугацаанд ирүүлэх бөгөөд тухайн албан хаагчийн бичиг баримтын үнэн зөв байдлыг хариуцна:

4.4.1. иргэний үнэмлэхийн хуулбар эсхүл лавлагаа;

4.4.2. бүрэн дунд боловсролын гэрчилгээний хуулбар;

4.4.3. дээд боловсролтой иргэний хувьд бакалаврын диплом, хавсралтын нотариатаар гэрчлүүлсэн хуулбар;

4.4.4. элсэлтийн ерөнхий шалгалтын батламж;

4.4.5. цээж зураг - 3x4 хэмжээтэй 4 хувь;

4.4.6. суралцахыг дэмжсэн даргын тушаал, хурлын тэмдэглэл, албан бичиг.

4.5. Эчнээ 3 жилийн сургалтад элсэгч алба хаагчдыг бакалаврын дипломын голч дүнгээр буурах эрэмбээр жагсааж, хөтөлбөр тус бүрээр элсүүлэх хяналтын тоонд багтаан элсүүлнэ. Голч дүн тэнцсэн тохиолдолд захиалагч агентлаг, байгууллагын саналыг харгалзана.

4.6. Эчнээ 5 жилийн сургалтад элсэгч алба хаагчдыг элсэлтийн ерөнхий шалгалтын суурь болон хавсарга шалгалтуудын онооны нийлбэрээр буурах эрэмбээр жагсааж, хөтөлбөр тус бүрээр элсүүлэх хяналтын тоонд багтаан элсүүлнэ.

4.7. Шаталсан сургалттай 1,5 жилийн эчнээ сургалтад элсэгч алба хаагчдыг дипломын голч дүнгээр буурах эрэмбээр жагсааж хяналтын тоонд багтаан элсүүлнэ. Голч дүн тэнцсэн тохиолдолд захиалагч агентлаг, байгууллагын саналыг харгалзана. Диплом дээр голч дүн бичигдээгүй бол тухайн элсэгчийг бүртгэхгүй.

4.8. Эчнээ хөтөлбөрт элсэх алба хаагчдаас нэмэлт шалгалт авахгүй.

Тав. Элсүүлэх шийдвэр гаргах

5.1. Комиссын хуралдаанаар элсэлтийн шалгалтын дүнг хэлэлцэн, шалгуур хангаж, шалгалтад тэнцсэн элсэгчийг сонгосон хөтөлбөрт элсүүлэн суралцуулах саналыг Их сургуулийн захиралд танилцуулна.

5.2. Бакалаврын хөтөлбөрт элсүүлэн суралцуулах тухай Комиссын саналыг үндэслэн Их сургуулийн захирал тушаал гаргана.

5.3. Гурав жил болон 1,5 жилийн эчнээ ангид элсүүлэн суралцуулах тухай тушаалыг 2020 оны 04 дүгээр сарын 20-ны, 5 жилийн эчнээ ангид элсүүлэх тушаалыг 2020 оны 07 дугаар сарын 10-ны дотор тус тус гаргаж, захиалагч агентлаг, байгууллагад мэдэгдэнэ.

Зургаа. Элсэлтийн шалгалтын комиссын эрх, үүрэг

6.1. Элсэлтийн шалгалтыг Элсэлтийн шалгалтын комисс /цаашид "Комисс" гэх/ зохион байгуулна. Комиссын бүрэлдэхүүнийг захиалагч агентлаг, байгууллагын төлөөллийг оролцуулан Их сургуулийн захирлын тушаалаар батална.

6.2. Комисс болон комиссын дарга Их сургуулийн захирлын 2014 оны Б/286 дугаар тушаалын нэгдүгээр хавсралтаар баталсан "ДХИС-ийн элсэлтийн шалгалт зохион байгуулах нийтлэг журам"-д заасан чиг үүрэг, бүрэн эрхийг хэрэгжүүлнэ.

Долоо. Бусад зүйл

7.1. Энэ журамд заагаагүй төлбөр, хураамж, хандив авахыг хориглоно.

ДОТООД ХЭРГИЙН ИХ СУРГУУЛЬ